

Annuntiatio B. Viginis dicitur;  
**Paaſt Maria** pehw (ad differentiam visitationis  
 Mariæ, quæ dicitur **heina Maria** pehw.) Hoc  
 die rusticæ tantum exhaustiunt cerevisiæ, quantum  
 sufficit faciei rubicundæ; qvod vocant punnase  
**johnia**; arbitratæ faciem per totum annum ita  
 apparituram.

Palmarum dies vocatur **Urba** pehw/  
 eo qvòd arbores germinent: urwas enim gem-  
 mam in ramis significat.

Dicitur alias **Kannasta** pehw / à Kannatama  
**Ieiden** / propter secutam passionem Dominicam.

Resurrectio Domini **Leehawotme Pōha**/  
 id est, carnis acceptio, quòd cœpere iterum carnem  
 edere: quandoquidem ultimus Bacchanalium dies  
**Leehaheti** / i. e. carnis projectio audit; quòd ab  
 isto die carnem non comederunt.

Adiēnsio Domini **Suur Risti** pehw/ ma-  
 gnæ crucis dies. Triduo enim antè adeoq; ipso die,  
 crucibus prælatis processiones instituebant sole-  
 mnes.

D. Georgii dies **Jueri** pehw. Hic dies  
 colitur à rusticis religiosè, non ut orent; sed ut non  
 laborent: quia Georgius equorum Patronus ipsis fu-  
 it. Hac nocte tecta sua scandunt, ascendentem in  
 sylvâ fumum visuri, ut luporum nidos obseruent,  
 eorumq; catulos rapiant.

Festum Pentecostes **Suiwaste Pōha** æsti.  
 vale

vale festum, ut nativitas Domini **Talweste Pōha**  
 hyemale festum, antonomasticè. Aliàs nelli pōs  
 ha/ à numero festorum magnorum.

Festum Johannis, **Jaani** pehw / vel **Ris-  
 ti Jaani** pehw / ob baptismum Christo per Jo-  
 hannem collatum.

Visitatio B. Virginis **heina Maria** pehw/  
 qvòd incidat tempus colligendi fœni. Alij dicunt  
**punnane Maria** pehw i. e. rubræ Mariæ dies,  
 quia hoc tempore colligitur herba & radix quæ-  
 dam, quā rusticī pannum tingunt rubro colore.

Laurentij dies **Laurize** pehw; Erat enim  
 ipsis Laurentius Patronus ignis. Hinc rusticī,  
 quoram domos Vulcanus absunt, eleemosy-  
 nas colligunt **Laurize perrast** / propter Lau-  
 rentium; non propter DEum.

Animarum dies **Winge** pehw. Hic ijs est  
 solennis. Hoc enim cibum & potum animabus  
 demortuorum apponere solent in balneis suis,  
 quasi illæ ijs indigeant.

S. Catharinæ **Kadbrina** pehw. Erat Ca-  
 tharina Patrona ovicularum.

S. Nicolai **Uiggola** pehw. Nicolaus  
 enim quasi Patronus boum maximè invocari ipsis  
 solitus est, cùm tauri castrarentur.

S. Thomæ **Thooma** pehw. Ille erat Pa-  
 tronus contra pestem: unde dicunt / **Thooma**  
**Kangke Kessi** / i.e. Thomæ dura manus. Item  
**Thomæ ei putteub** / non tangit. **Sij** Vi.